



11 SEP, 2020

## Pusat proses buah-buahan Sabah siap Ogos 2022

New Sabah Times Bahasa (KK), Malaysia

Page 1 of 2

# Pusat proses buah-buahan Sabah siap Ogos 2022

**KOTA KINABALU:** Pusat Pemprosesan Buah-Buahan Sabah dijangka siap pada Ogos, 2022.

Menteri Pertanian dan Industri Makanan, Datuk Seri Ronald Kiandee berkata projek berjumlah RM5 juta itu dibangunkan di bawah bajet Pelan Rangsangan Ekonomi (PRIHATIN) yang disalurkan kepada Lembaga Pemasaran Pertanian Persekutuan (FAMA) melalui kementerian-nya.

Lokasi pusat akan dibangunkan di kawasan Kompleks Pemasaran FAMA, Kota Kinabalu Industrial Park (KKIP).

"Pusat ini akan memberikan kemudahan dan persediaan kepada golongan sasaran dan dapat membantu mereka memasarkan hasil pertanian serta mengelakkan berlaku lambakan".

Berkata semasa Majlis Pecah Tanah Pusat Pemprosesan Buah-Buahan dan Kembara Agropreneur Muda Khamis lalu, Ronald menambah pembangunan itu juga menjadi saluran untuk mengatasi lambakan durian kampung dan klon tidak komersial.

"Pusat ini dijangka mampu memproses 1,500 metrik tan buah-buahan tempatan menjelang tahun 2025 untuk tujuan eksport.

Teks ucapan Ronald dibacakan oleh Timbalan Menteri Pertanian dan Industri Makanan II, Dato' Che Abdullah Mat Nawi.



**PECAH TANAH ...** Che Abdullah melakukan gimik pecah tanah Pusat Pemprosesan Buah-Buahan Sabah.

Selain pembangunan pusat pemprosesan, projek lain yang dirancang oleh FAMA adalah penaiktarafan Pusat Operas FAMA KK, Pasar Tamu Tomborongus di Kudat dan Pasar Tamu Kunak.

Sementara itu, FAMA telah mengeksport 20,000 tan metrik Pisang Sabah pada tahun 2019.

"Jumlah meningkat hampir 900 peratus berbanding dua tan meteik pada tahun 2012".

Ronald menambah nilai ek-

sport keseluruhan bagi Pisang Sabah bernilai RM115 juta.

Melihat kepada model pengeksportan Pisang Sabah yang positif, FAMA juga telah menjalankan beberapa siri pengeksportan ke Semenanjung Malaysia melibatkan beberapa jenis buah-buahan lain seperti pomelo dan tarap.

"Percubaan eksport buah tarap ke Semenanjung Malaysia adalah satu langkah yang tepat bagu mempromosikan buah eksotik Sabah

kepada masyarakat di seluruh negara.

"Buah tarap yang manis dan lembut biasanya boleh didapati di daerah Ranau, Tongod, Nabawan, Kudat dan Kota Belud dan memang sukar diperolehi di tempat lain".

Tambahan, program MyBest Buy oleh FAMA pada tahun 2019 telah menyaksikan 3 metrik tan buah-buahan dari negeri Sabah termasuk tarap dan habis dijual dalam masa kurang daripada tiga jam.



11 SEP, 2020

## Pusat proses buah-buahan Sabah siap Ogos 2022

New Sabah Times Bahasa (KK), Malaysia

Page 2 of 2

### SUMMARIES

KOTA KINABALU: Pusat Pemprosesan Buah-Buahan Sabah dijangka siap pada Ogos, 2022. Menteri Pertanian dan Industri Makanan, Datuk Seri "Ronald Kiandee berkata projek berjumlah RM5 juta itu dibangunkan di bawah bajet Pelebaran Rangsangan Ekonomi (PRIHAT1N) yang disalurkan kepada Lembaga Pemasaran Pertanian Persekutuan (MAMPA) melalui kemerttariannya. Projek ini akan membangunkan di kawasan Kompleks "emasara" (MAMPA Kota Kinabalu Industrial Park KKIP). "Pusat ini akan memberikan kemudahan dan perkhidmatan kepada peneraju-peneraju industri."